

AVTOTRANSPORT VOSITASIGA O'RNATILGAN GAZ USKUNASIDAN FOYDALANISH OQIBATIDA YUZ BERISHI MUMKIN BO'LGAN QALTISLIKLARDAN SUG'URTA QILISH BO'YICHA SUG'URTALASH OFERTASI

Ushbu Ommaviy oferta (bundan buyon matnda Oferta deb yuritiladi) **"KAFIL-SUG'URTA" AJ** ning (bundan buyon matnda Sug'urtalovchi deb yuritiladi) noma'lum doiradagi jismoniy shaxslarga (bundan buyon Sug'urta qildiruvchi deb yuritiladi) yullangan quyidagi sug'urta shartlarida sug'urta shartnomasini Sug'urtalovchining axborot tizimlari vositasida tuzish taklifi bulib hisoblanadi. Sug'urtalovchi va Sug'urta qildiruvchi shartnoma taraflaridir.

Mazkur Ofepta shartlarining qabul qilinishi va shartlashilgan sug'urta mukofotining to'lanishi uning shartlarini akseptlash hamda Sug'urta qildiruvchining Sug'urta shartnomasini tuzishga roziligi bo'lib hisoblanadi. Sug'urta qildiruvchi tomonidan sug'urta mukofoti to'langanligi fakti tasdiqlanganidan keyin unga elektron sug'urta polisi yuboriladi va Sug'urta shartnomasi tuzilgan deb hisoblanadi.

O'zbekiston Respublikasi Fuqarolik kodeksining 370-moddasiga muvofiq Oferta shartlarining qabul qilinishi mazkur Oferta shartlarini so'zsiz qabul qilingan deb hisoblanadi va u bilan quyidagilarga rozilik ifodalanadi:

- mazkur Oferta shartlari, jumladan unda bayon qilingan sug'urta shartlariga rozilik;
- arizani to'ldirishda ko'rsatilgan shaxsga doir ma'lumotlar bilan sug'urta faoliyatini amalga oshirish maqsadida avtomatlashtirilgan yoki avtomatlashtirilmagan tarzda ishlov berish yuli orqali 5 yil muddatga ishlashga, jumladan ularni yig'ish, tizimlashtirish, to'plash, saqlash, aniqlashtirish, ulardan foydalanish, ularni egasini ko'rsatmaslik, bloklash, yo'q qilishga (yo'q qilish haqida xabar qilmagan holda), shuningdek sug'urta shartnomasini bajarish, ichki hujjat aylanmasini ta'minlash maqsadida uchinchi shaxslarga ularni berishga rozilik.

Sug'urta qildiruvchi Sug'urtalovchining internet resursi vositasida Sug'urta shartnomasini tuzish natijasida o'z huquqi va muomalaga layoqatligini tasdiqlaydi, shuningdek o'z zimmasiga yuklatilgan majburiyatlar yuzasidan javobgarlikni anglaydi.

Sug'urtalovchining internet resursida onlayn tarzda Sug'urta shartnomasini tuzish uchun Sug'urta qildiruvchidan uning elektron pochta manzili(agar bor bo'lsa) va mobil telefon raqami mavjudligi talab qilinadi.

Sug'urta qildiruvchi tomonidan Sug'urtalovchining internet resursida Sug'urta shartnomasini tuzish uchun zarur va muhim bo'lgan barcha ma'lumotlarni kiritish Sug'urta uchun ariza bo'lib hisoblanadi.

Sug'urtalovchi O'zbekiston Respublikasi Fuqarolik Kodeksining 933-moddasiga muvofiq sug'urta siri saqlashga javobgar bo'ladi. «Oferta», «Sug'urta shartnomasi» va «Sug'urta polisi» havolalari bundan buyon matnda mazkur elektron hujjatga nisbatan bir xil ahamiyatga ega bo'ladi.

UMUMIY OFERTALAR

Ushbu Oferta, sug'urta faoliyatini tartibga soluvchi O'zbekiston Respublikasining amaldagi Qonunchiligi hamda **«KAFIL-SUG'URTA» Aksiyadorlik Jamiyati** Ustaviga va sug'urtaning 8-9-13 klasslariga muvofiq ishlab chiqilgan bo'lib, Avtotransport vositasiga o'rnatilgan gaz uskunasiidan foydalanish oqibatida yuz berishi mumkin bo'lgan qaltisliklardan sug'urtalashning asosiy shartlarini belgilab beradi.

«KAFIL-SUG'URTA» Aksiyadorlik Jamiyati (keyingi o'rinlarda «Sug'urtalovchi» deb ataladi) ushbu Oferta asosida Sug'urta qildiruvchiga beriladigan "Avtotransport vositasiga o'rnatilgan gaz

uskunasidan foydalanish oqibatida yuz berishi mumkin bo'lgan qaltisliklardan sug'urta kilish koidalari" (keyingi matnlarda "Sug'urta Ofertasi" deb yuritiladi) va Sug'urta polisiga asosan unda nazarda tutilgan voqea (Sug'urta hodisasi), ya'ni avtotransport vositalariga o'rnatilgan gaz uskunasi yo'l transport hodisasi (YTX), yong'in va portlash natijasida yo'qotilishi yoki zararlanishi hamda avtotransport vositalariga o'rnatilgan gaz uskunasi portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga yetkazilgan zararni Sug'urta polisida kelishilgan summa (Sug'urta summasi) doirasida to'lash (Sug'urta tovonini to'lash) majburiyatini oladi.

1. Ofertada qo'llaniladigan atamalarning tavsifi.

1.1. Sug'urta polisi - Yagona avtomatlashtirilgan axborot tizimi tomonidan real vaqt rejimida shakllantirilgan seriya, raqamiga ega bo'lgan sug'urta qilish amalga oshirilganligini tasdiqlovchi hujjat.

1.2. Sug'urta muddati - Sug'urta polisining amal qilish muddati.

1.3. Sug'urta qiymati - Avtotransport vositasiga o'rnatilgan gaz uskunasi sotuvdagi yoki baholovchi ekspert tomonidan baholangan haqiqiy bozor narxi.

1.4. Sug'urta summasi - Sug'urtalovchining eng yuqori javobgarligi miqdorini belgilovchi va Sug'urta qiymatidan ortiq bo'lmagan summa.

1.5. Sug'urta mukofoti - Sug'urta qildiruvchi yoki uchinchi shaxs tomonidan sug'urtalash uchun Sug'urta polisiga asosan Sug'urtalovchiga to'laydigan pul mablag'i.

1.6. Sug'urta hodisasi - Avtotransport vositasiga o'rnatilgan gaz uskunasi yo'l transport hodisasi (YTH), yong'in va portlash natijasida yo'qotilishi yoki zararlanishi hamda avtotransport vositalariga o'rnatilgan gaz uskunasi portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga zarar yetkazilishi.

1.7. Franshiza (shartsiz) - Sug'urta qildiruvchi ko'rgan zararining Sug'urtalovchi tomonidan har bir sug'urta xodisasi bo'yicha qoplanmaydigan qismi.

1.8. Sug'urta tovon - Sug'urta hodisasi ro'y berganda Sug'urtalovchi tomonidan Sug'urta puli doirasida Sug'urta qildiruvchiga, uchinchi shaxsga yoki ularning qonuniy merosxo'rlariga to'lanadigan pul mablag'i.

1.9. Fors-major - Sug'urta polisi va mazkur Oferta shartlari to'liq yoki qisman bajarilmay qolishiga olib kelishi mumkin bo'lgan favqulotda, aqliy tadbirlar bilan oldini olib bo'lmaydigan, Sug'urta polisi tomonlarining xohish irodasiga bog'liq bo'lmagan holat.

2. Ofertaning mazmuni

2.1. Sug'urtalovchi ushbu Oferta asosida Sug'urta qildiruvchiga beriladigan "Avtotransport vositasiga o'rnatilgan gaz uskunasi foydalanish oqibatida yuz berishi mumkin bo'lgan qaltisliklardan sug'urta kilish koidalari" (keyingi matnlarda "Sug'urta koidalari" deb yuritiladi) va Sug'urta polisiga asosan unda nazarda tutilgan voqea (Sug'urta hodisasi), ya'ni avtotransport vositalariga o'rnatilgan gaz uskunasi yo'l transport hodisasi (YTH), yong'in va portlash natijasida yo'qotilishi yoki zararlanishi hamda avtotransport vositalariga o'rnatilgan gaz uskunasi portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga yetkazilgan zararni Sug'urta polisida kelishilgan summa (Sug'urta puli) doirasida to'lash (Sug'urta tovonini to'lash) majburiyatini oladi.

3. Sug'urta subyektlari

3.1. Sug'urtalovchi, Sug'urta qildiruvchi va uchinchi shaxslar sug'urta sub'ektlari hisoblanadilar.

4. Sug'urta obyektlari

4.1. Sug'urta ob'ekti bo'lib, Sug'urta qildiruvchining avtotransport vositasiga o'rnatilgan gaz uskunasi yo'l transport hodisasi (YTH), yong'in va portlash natijasida yo'qotilishi yoki zararlanishi hamda avtotransport vositalariga o'rnatilgan gaz uskunasi portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga yetkazilgan zararni qoplanishi bilan bog'liq bo'lgan O'zbekiston Respublikasining qonun hujjatlariga zid bo'lmagan mulkiy manfaatlarini hisoblanadi.

5. Sug'urta summasi va sug'urta mukofotini to'lash tartibi

5.1. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi:

5.1.1. Avtotransport vositasiga o'rnatilgan gaz uskunasi yo'l transport hodisasi (YTH), yong'in va portlash natijasida yo'qotilishi yoki zararlanishi bo'yicha Sug'urta summasi 5 000 000,00 (besh million) so'mdan 10 000 000,00 (o'n million) so'mgacha miqdorda bo'ladi. Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi.

5.1.2. Avtotransport vositalariga o'rnatilgan gaz uskunasi portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga yetkazilgan zararni qoplash bo'yicha Sug'urta summasi 5 000 000,00 (besh million) so'mdan 10 000 000,00 (o'n million) so'mgacha miqdorda bo'ladi. Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi.

5.2. Sug'urta mukofoti hisoblash uchun 6.1.1. va 6.1.2- bandlardagi tavakkalchiliklar uchun Sug'urta tarifi yillik 1,0 foiz miqdorida belgilanadi.

5.3. Hisoblangan jami sug'urta mukofoti to'lovi Sug'urta qildiruvchi bank kartasi bilan bevosita karta egasi tomonidan amalga oshiriladi. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi. Sug'urta mukofoti qo'shimcha qiymat solig'isiz hisoblanadi.

6. Sug'urta shartnomasini tuzish tartibi va muddati

6.1.1. Mazkur sug'urta shartnomasi Sug'urtalovchi tomonidan Sug'urta qildiruvchiga sug'urta xizmatlarini sotish va ko'rsatish shartlarini belgilaydigan elektron hujjat bo'lib hisoblanadi;

6.1.2. Sug'urta shartnomasi (sug'urta polisi) Sug'urta qildiruvchi tomonidan Sug'urtalovchiga axborot tizimlaridan foydalangan holda takdim etilgan ma'lumotlar asosida shakllanadi;

6.1.3. Sug'urta qildiruvchi elektron arizaning to'ldirilishi shart bo'lgan kataklarini mustaqil va arizada ko'rsatilgan hujjatlarning aslidagi ma'lumotlarga qat'iy muvofiq holda to'ldiriladi;

6.1.4. Sug'urta qildiruvchi arizada ko'rsatilgan hujjatlarning ishonchliligi va asliga to'g'ri ekanligi uchun zimmasiga javobgarlikni oladi, shuningdek arizada ko'rsatilgan hujjatlarni ularning asliga muvofiq bo'lmaganida sug'urta hodisasi yuz bergan taqdirda, Sug'urtalovchi sug'urta to'lovi to'lashni rad etish huquqiga ega ekanligiga rozi bo'ladi;

6.1.5. Arizada ko'rsatilgan va unga kiritilgan hujjatlarning ma'lumotlari avtomatik ravishda Sug'urta shartnomasiga (Sug'urta polisiga) kiritiladi.

6.1.6. Sug'urta qildiruvchi Sug'urtalovchining axborot tizimi yordamida sug'urta summasini mustaqil aniqlaydi, Sug'urtalovchining axborot tizimi esa Sug'urta qildiruvchi tomonidan ko'rsatilgan ma'lumotlardan va tanlangan variantlardan kelib chiqib, sug'urta mukofoti summasini shakllantiradi hamda Sug'urta qildiruvchi sug'urta mukofotining shakllantirilgan summasiga rozi bo'lgan taqdirda, uni to'lashga qadar Sug'urta qildiruvchi mazkur Oferta matni bilan tanishish majburiyatini oladi.

6.1.7. Ofertada taklif qilinadigan sug'urta shartlariga rozi bo'lgan taqdirda, Sug'urta qildiruvchi Sug'urtalovchining axborot tizimida o'z roziligini tasdiqlaydi va Sug'urta shartnomasini tuzish uchun arizani (bundan buyon matnda Ariza deb yuritiladi) Sug'urtalovchining axborot tizimidan foydalangan holda onlayn tarzda to'ldirishga kirishadi.

6.1.8. Arizani to'ldirishda Sug'urtalovchi uchun sug'urta hodisasi yuz berishi ehtimolini aniqlashda muhim ahamiyatga ega bo'lgan barcha zarur ma'lumotlarni va sug'urta hodisasi yuz berishidan ko'rilishi mumkin bo'lgan zararlar miqdorini (sug'urta tavakkalchiligini) ko'rsatish talab qilinadi. Barcha ma'lumotlar hujjatlarning asliga qat'iy muvofiqlikda ko'rsatilishi kerak.

6.1.9. Ariza to'ldirilganidan keyin, Sug'urtalovchining axborot tizimi tomonidan «Sug'urta mukofotini to'lash va Sug'urta polisini rasmiylashtirish» tugmasidan foydalanishga avtomatik tarzda ruxsat beriladi.

6.1.10. Sug'urta shartnomasi taraflari Sug'urta qildiruvchi tomonidan Sug'urta polisining olinishi Sug'urta shartnomasi (Sug'urta polisi) lozim darajada imzolanganligini tasdiqlaydi.

6.1.11. Sug'urta qildiruvchining Sug'urta mukofotini to'laganligi fakti Sug'urtalovchining axborot tizimi tomonidan tasdiqlangan sana mazkur Ommaviy oferta aksept qilingan va Sug'urta shartnomasi tuzilgan sanadir.

6.2. Sug'urta shartnomasi (polislari) bo'yicha to'lovni amalga oshirish tartibi:

6.2.1. Sug'urta shartnomasi (polisi) bo'yicha to'lovni amalga oshirish Sug'urtalovchi tomonidan qo'llaniladigan axborot (onlayn) tizimlaridan foydalangan holda amalga oshiriladi;

6.2.2. To'lov tizimining himoyalangan kanaliga keyingi qayta yo'naltirish uchun ariza qabul qilinganligini tasdiqlash Sug'urtalovchi tomonidan Sug'urta qildiruvchi arizani to'ldirayotganida ko'rsatib o'tgan mobil telefon raqamiga SMS-xabarni jo'natish yo'li bilan amalga oshiriladi;

6.2.3. SMS-xabar tasdiqlash kodi bilan birga olinganidan keyin Sug'urta qildiruvchi elektron to'lov tizimini tanlashi zarur, undan keyin u sug'urta mukofotining hisoblangan summasini Sug'urtalovchining hisob raqamiga o'tkazish uchun tanlangan to'lov tizimining saytiga avtomatik tarzda qayta yo'llanadi;

6.2.4. Sug'urta polisi uchun sug'urta mukofoti to'langanligi haqidagi tasdiq olinganidan keyin Sug'urtalovchining axborot tizimi Sug'urta polisini rasmiylashtirishni elektron shaklda avtomatik tarzda amalga oshiradi, Sug'urta qildiruvchining kiritgan telefon raqamiga Sug'urta polisining seriyasi, raqami va Sug'urta polisi elektron tarzda jo'natilganligi fakti haqidagi ma'lumotlarni ichiga olgan SMS-xabar jo'natilishi yo'li bilan Sug'urta qildiruvchini xabardor qiladi. SMS xabarda sug'urta polisini yuklab olish imkonini beruvchi havola mavjud bo'ladi.

6.2.5. Sug'urtalovchi to'lov provayderining harakatlari/harakatsizligi uchun, shuningdek Sug'urta qildiruvchining elektron to'lovlar tizimi va internet orqali to'lash bilan bog'liq zararlari va tavakkalchiliklari uchun javobgar bo'lmaydi.

6.2.6. Sug'urta mukofotini bank kartasi bilan to'lash bevosita Sug'urta qildiruvchi (Naf oluvchi) - karta egasi tomonidan amalga oshirilishi kerak. Agap Sug'urta qildiruvchi bank kartasini to'lov to'lash uchun boshqa shaxsga bergan bo'lsa, Sug'urta qildiruvchi bu bilan bog'liq barcha tavakkalchiliklarni o'z zimmasiga oladi va mazkur holatda sug'urta mukofotini to'lash Sug'urta qildiruvchi tomonidan amalga oshirilgan deb hisoblanishiga rozi bo'ladi.

6.2.7. Sug'urtalovchining axborot tizimida «Sug'urta mukofotini to'lash va Sug'urta polisini rasmiylashtirish» tugmasini bosish bilan, shuningdek shakllantirilgan sug'urta mukofotini to'lagan holda Oferta yo'llangan shaxs O'zbekiston Respublikasi Fuqarolik kodeksining 370-moddasiga muvofiq mazkur Oferta shartlariga rozi ekanligini bildiradi.

7. Tomonlarning majburiyatlari va huquqlari

7.1. Sug'urtalovchining majburiyatlari:

- a) Sug'urta qildiruvchini sug'urta shartlari bilan tanishtirish;
- b) Sug'urta qildiruvchiga sug'urta mukofotini to'langandan so'ng sug'urta polisini berish;
- v) Sug'urta hodisasi ro'y bergach, mazkur Ofertada o'rnatilgan tartib va muddatlarda da'voni o'rganib chiqish hamda Sug'urta tovonini to'lashni amalga oshirish;
- g) Sug'urta tovonini to'lash rad qilingan taqdirda, Sug'urta qildiruvchini barcha zarur bo'lgan hujjatlar taqdim qilingan kundan boshlab 15 kun muddat ichida rad qilish asoslarini ko'rsatgan holda yozma ravishda xabardor qilish;
- d) Sug'urta qildiruvchi/ uchinchi shaxslar tomonidan barcha zarur hujjatlar taqdim qilingandan hamda Sug'urta tovonlarini to'lash Sug'urta qildiruvchi Sug'urtalovchi bilan Sug'urta hodisasi tan olinganligi to'g'risidagi dalolatnomani imzolanganidan so'ng 5 bank kuni muddatida to'lash;
- e) o'zining sohadagi faoliyati natijasida olingan Sug'urta qildiruvchi va uning mulkiy hamda moliyaviy ahvoli to'g'risidagi ma'lumotlarni tarqatmaslik.

7.2. Sug'urtalovchining huquqlari:

- a) Sug'urta qildiruvchi yoki uchinchi shaxslar Sug'urta tovoniga da'vo qilganda Sug'urta qildiruvchidan sug'urta polisida va mazkur Ofertada ko'rsatilgan majburiyatlarining bajarilishini talab qilish. Sug'urta qildiruvchi tomonidan majburiyatlarining o'z vaqtida yoki umuman bajarilmasligi oqibitida yuzaga keladigan xavflarni Sug'urta qildiruvchi zimmasiga yuklatiladi.
- b) Sug'urta qildiruvchi sug'urta shartnomasi tuzilishidan avval Sug'urtalovchiga yolg'on ma'lumotlar berganligi aniqlansa, sug'urta shartnomasining haqiqiy emas deb tan olinishini va O'zbekiston Respublikasining amaldagi qonunlarida nazarda tutilgan oqibatlar qo'llanishini talab qilish;
- v) quyidagi holatlarda Sug'urta tovonini to'lashni rad etish:

- agar Sug'urta qildiruvchi sug'urta hodisasi yuz berganligi to'g'risida Sug'urtalovchini o'z vaqtida sababsiz xabar qilmasa;

- Sug'urta qildiruvchi sug'urta hodisasi sababi va xususiyatlarini aniqlash uchun zarur ma'lumot va hujjatlarni taqdim qilmaganda;

- Sug'urta polisidan naf olish maqsadida yolg'on vosita va usullarni ishga solganda;

- Sug'urta qildiruvchi Sug'urtalovchi tomonidan qoplangan zarar uchun javobgar shaxsga nisbatan o'zining talab qilish huquqidan voz kechsa, shuningdek, Sug'urtalovchi o'ziga o'tgan talab qilish huquqini amalga oshirish uchun zarur bo'lgan barcha xujjatlar va dalillarni Sug'urtalovchiga va barcha ma'lumotlarni unga ma'lum qilishdan bosh tortganda.

g) sug'urta xavfi ortishiga sabab bo'ladigan holatlar to'g'risida xabardor qilinganda Sug'urta polisi shartlarini o'zgartirishni yoki qo'shimcha Sug'urta mukofotini to'lashni talab qilish;

d) zarur hollarda avtotransport vositasiga o'rnatilgan gaz uskunasiga yetkazilgan zararni ekspertiza tashkilotlarida qayta baholash va ular tomonidan berilgan hujjatlar (kalkulyatsiya, mutaxassis fikri, dalolatnoma va boshqalar) asosida sug'urta to'lovni to'lash;

e) avtotransport vositasiga o'rnatilgan gaz uskunasining sug'urta hodisalari natijasida zararlangan va baholash tashkilotlarining kalkulyatsiyalariga ko'ra yaroqsiz deb topilgan ehtiyot qismlarini talab qilib olish.

j) sug'urta natijasida qoplangan zarar uchun to'langan summa doirasida javobgarga tegishli bo'lgan barcha plastik karta va banklardagi hisob raqamlardan pul mablag'larini so'zsiz tartibda undirib olish;

z) sug'urta qildiruvchi (naf oluvchi) tomonidan shartnomada belgilangan miqdor va muddatda sug'urta mukofoti to'liq to'lanmagan taqdirda sug'urta shartnomasini bekor qilishni talab qilish yoki majburiyatni bajarishdan bir tomonlama bosh tortish.

7.3. Sug'urta qildiruvchining/ uchinchi shaxslarning majburiyatlari:

a) Sug'urta hodisasi sodir bo'lganligi o'ziga ma'lum bo'lgandan so'ng 72 soatdan kechikmay Sug'urtalovchi uning vakilini bu haqda yozma ravishda xabardor qilish;

b) Sug'urta hodisasi sodir bo'lganda Sug'urtalovchiga sug'urta to'vonini ko'rib chiqish uchun mazkur Ofertaning 11-bo'limda ko'rsatilgan barcha hujjatlarni taqdim qilish;

v) Sug'urta polisi tuzilayotganda o'ziga ma'lum bo'lgan va Sug'urta hodisasi yuz berishi ehtimolini hamda uning yuz berishi tufayli kutilajak zarar miqdori (sug'urta xavfi) ni aniqlash uchun muhim ahamiyatga ega bo'lgan barcha holatlarni Sug'urtalovchiga xabar qilish;

g) Sug'urta mukofotini o'z vaqtida to'lash;

d) Sug'urta polisining amal qilish davrida Sug'urtalovchiga ma'lum qilingan holatlarda yuz bergan, o'ziga ma'lum bo'lgan muhim o'zgarishlar to'g'risida, agar bu o'zgarishlar sug'urta xavfi ortishiga jiddiy ta'sir ko'rsatishi mumkin bo'lsa, Sug'urtalovchiga darhol xabar qilish;

e) Sug'urtalovchining rozilgisiz avtotransport vositasiga o'rnatilgan gaz uskunasi ehtiyot qismlarini bir-biridan ajratish va hech qanday ta'mirlash ishlarini boshlab yubormaslik. Haydovchi va yo'lovchi havfsizligini ta'minlash yoki vakolatli tashkilotlar buyruq va farmoyishlarini bajarish uchun zaruriyat tug'ilgan holatlar bundan mustasno.

j) avtotransport vositasiga o'rnatilgan gaz uskunasini ko'rikdan o'tkazish vaqti, kuni va joyini, zararlangan avtotransport vositasiga o'rnatilgan gaz uskunasini yoki uning qismlarini sotish yoki qayta ishlashga yoki metallolomga topshirishni Sug'urtalovchi bilan kelishib olish;

z) Sug'urtalovchining yozma rozilgisiz to'lov kafolatlari yoki majburiyatlarini o'z zimmasiga olmaslik;

i) avtotransport vositasiga o'rnatilgan gaz uskunasini yaroqli holatida saqlash bo'yicha doimo oldini olish choralarini o'tkazish.

k) Shartnomada belgilangan miqdor va muddatda sug'urta mukofotini to'liq to'lash.

7.4. Sug'urta qildiruvchining huquqlari:

a) Sug'urtalovchidan Sug'urta polisining to'liq amal qilish davrida sug'urta masalalari bo'yicha maslahatlar olish;

b) Sug'urta hodisasi sodir bo'lganda ushbu sug'urta bo'yicha Sug'urtalovchidan qabul qilgan o'z majburiyatlarini bajarishini talab qilish;

v) mazkur sug'urta doirasidagi kelishmovchiliklarni muvofiqlashtirish uchun mustaqil ekspertni jalb qilish.

8. Sug'urta tovonni miqdorini aniqlash va to'lash tartibi

8.1. Sug'urta hodisasi ro'y berganda Sug'urta qildiruvchi yoki uchinchi shaxslar Sug'urta hodisasi haqida Sug'urtalovchiga 3 (uch) kun ichida yozma ravishda xabarnoma beradi.

8.2. Avtotransport vositasiga o'rnatilgan gaz uskunasining zararlanishi yoki avtotransport vositalariga o'rnatilgan gaz uskunasini portlashi oqibatida uchinchi shaxslar (jismoniy va yuridik shaxslar)ga zarar yetkazilishi bo'yicha Sug'urta tovonni to'lash tartibi:

8.2.1. Avtotransport vositasiga o'rnatilgan gaz uskunasini to'liq yo'qotilganda Sug'urtalovchi Sug'urta qildiruvchiga Sug'urta tovonini avtotransport vositasiga o'rnatilgan gaz uskunasini sug'urtalangan Sug'urta puli doirasida to'laydi.

8.2.2. Uchinchi shaxslarning mol-mulkiga zarar yetkazilganda Sug'urta tovonni Sug'urta pulining 35 foizidan, xayoti yoki sog'ligiga zarar yetkazilganda Sug'urta tovonni miqdori Sug'urta pulining 65 foizidan ortiq bulishi mumkin emas.

8.2.3. Sug'urta hodisasi, shuningdek, keltirilgan zararni isbotlash Sug'urta qildiruvchi zimmasiga yuklanadi.

8.2.4. Avtotransport vositasiga o'rnatilgan gaz uskunasining takomillashtirilishi yoki o'zgartirilishi, yangilanishi bilan bog'liq xarajatlar, Sug'urta qildiruvchi tomonidan zararni baholash ishlari uchun qilingan harajatlar Sug'urtalovchi tomonidan qoplanmaydi. Avtotransport vositasiga o'rnatilgan gaz uskunasining eskirish qiymati tovar ko'rinishi va Sug'urta polisida kelishilgan franshiza miqdori har bir to'lanayotgan sug'urta tovonni miqdoridan chegirib qolinadi.

8.2.5. Sug'urta tovonni sug'urta qildiruvchi tomonidan tijorat bankida ochilgan hisob raqamiga pul mablag'ini o'tkazish yo'li bilan amalga oshiriladi.

8.3. Sug'urta hodisasi natijasida avtotransport vositasiga o'rnatilgan gaz uskunasiga yetkazilgan zararning yoki portlashi oqibatida uchinchi shaxslar (jismoniy va yuridik shaxslar)ga zarar yetkazilishida Sug'urta tovonining ma'lum qismi aybdor yoki boshqa shaxslar tomonidan qoplangan bo'lsa, Sug'urtalovchi tomonidan Sug'urta tovonni zararning qoplangan qismi miqdorida kamaytiriladi.

9. Subrogatsiya

9.1. Sug'urta qildiruvchi yoki Benefitsiarning Sug'urta hodisasi natijasida qoplangan zarar uchun javobgar shaxsdan talab qilish huquqi to'langan summa doirasida Sug'urtalovchiga o'tadi. Sug'urtalovchiga o'tgan talab qilish huquqi uning tomonidan Sug'urta qildiruvchi, Benefitsiar va zarar uchun javobgar bo'lgan shaxs o'rtasidagi munosabatlarni tartibga soluvchi Ofertalarga rioya qilgan holda amalga oshiriladi.

9.2. Sug'urta qildiruvchi yoki Benefitsiar, Sug'urtalovchiga o'ziga o'tgan talab qilish huquqini amalga oshirishi uchun zarur bo'lgan barcha hujjatlar va dalillarni Sug'urtalovchiga berishi, hamda barcha ma'lumotlarni unga ma'lum qilishi shart.

9.3. Sug'urta qildiruvchi yoki Benefitsiar, Sug'urtalovchi tomonidan qoplangan zarar uchun javobgar shaxsga nisbatan o'zining talab qilish huquqidan voz kechsa yoki bu huquqni amalga oshirish Sug'urta qildiruvchining aybi bilan mumkin bo'lmagan bo'lsa, Sug'urtalovchi Sug'urta tovonini to'liq yoki uning tegishli qismini to'lashdan ozod qilinadi va ortiqcha to'langan Sug'urta tovonini qaytarilishni talab qilishga haqli bo'ladi.

10. Sug'urta hodisasi

10.1. Mazkur Ofertaga muvofiq, avtotransport vositasiga o'rnatilgan gaz uskunasini yo'l transport hodisasi (YTH), yong'in va portlash natijasida yo'qotilishi yoki zararlanishi hamda, avtotransport vositalariga o'rnatilgan gaz uskunasini portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga zarar yetkazilishi Sug'urta hodisasi hisoblanadi.

10.2. Quyidagi holatlarda avtotransport vositasiga o'rnatilgan gaz uskunasini yo'l transport hodisasi (YTH), yong'in va portlash natijasida yo'qotilishi yoki zararlanishi sug'urta hodisasi deb tan olinmaydi va sug'urta tovonni to'lanmaydi:

a) haydovchi o'zining yoki uchinchi shaxslarning or-nomusi, hayoti va salomatligini saqlash, o'z fuqarolik burchini bajarishga aloqador harakatlardan tashqari sug'urta hodisasini keltirib chiqarish maqsadida qasdan qilgan harakatlari natijasida zararlanishi;

b) avtotransport vositasini spirtli ichimlik, toksik yoki narkotik moddalarni iste'mol qilgan holda boshqarilishi natijasida avtotransport vositasiga o'rnatilgan gaz uskunasi zararlanishi;

v) haydovchilik guvohnomasiga ega bo'lmagan, avtotransport vositasini boshqarishga sug'urta qildiruvchining belgilangan tartibda rasmiylashtirilgan ishonchnomasi bo'lmagan shaxslar tomonidan boshqarilishi;

g) avtotransport vositasidan foydalanishda uni ekspluatatsiya qilish, yong'in havfsizligi, yonuvchi va portlovchi modda hamda predmetlarni tashish va saqlash Ofertalari buzilishi;

d) sug'urtalangan gaz uskunasi o'rnatilgan avtotransport vositasidan o'quv-mashq, musobaqa yoki sinov maqsadlarida foydalanish;

e) avtotransport vositasiga o'rnatilgan gaz uskunasi alohida ehtiyot qismlarining doimiy ta'sir qiluvchi ekspluatatsiya omillari (tabiiy eskirish, chirish, sirtining buzilishi, yorilish, zanglash va hokozolar) natijasida zararlanishi, shuningdek, sug'urta hodisasi yoki ob-havo ta'siri natijasida tashqi ko'rinishining eskirishi va sifatining buzilishi;

j) sodir bo'lgan hodisa vakolatli tashkilotlar (IIB, YHXB, YoXNB) da belgilangan tartibda ro'yhatdan o'tkazilmagan bo'lsa;

z) sug'urta hodisasi sodir bo'lishining aniq sabablari aniqlanmagan bo'lsa;

i) Sug'urta qildiruvchi yoki uning ishonchli vakili tomonidan sug'urta tovonini olish maqsadida berilgan ma'lumotlar yolg'onligi aniqlanishi.

y) Sug'urta qildiruvchi tomonidan avtotransport vositasini boshqarish uchun berilgan ishonchnoma belgilangan muddatda IIB YHXB ning ruyxatga olish bo'limidan ruyxatdan o'tkazilmagan bo'lsa.

10.3. Quyidagi holatlarda avtotransport vositalariga o'rnatilgan gaz uskunasi portlashi oqibatida uchinchi shaxslar (jismoniy va yuridik shaxslar)ga zarar yetkazilishi sug'urta hodisasi deb tan olinmaydi va Sug'urta tovonini to'lanmaydi:

a) avtotransport vositasini spirtli ichimlik, toksik yoki narkotik moddalarni iste'mol qilgan holda boshqarilishi natijasida uchinchi shaxslar (jismoniy va yuridik shaxslar)ga zarar yetkazilishi;

g) haydovchilik guvohnomasiga ega bo'lmagan, avtotransport vositasini boshqarishga sug'urta qildiruvchining belgilangan tartibda rasmiylashtirilgan ishonchnomasi bo'lmagan shaxslar tomonidan boshqarilishi;

d) avtotransport vositasidan foydalanishda uni ekspluatatsiya qilish, yong'in havfsizligi, yonuvchi va portlovchi modda hamda predmetlarni tashish va saqlash Ofertalari buzilishi;

e) sug'urtalangan gaz uskunasi o'rnatilgan avtotransport vositasidan o'quv-mashq, musobaqa yoki sinov maqsadlarida foydalanish;

yo) avtotransport vositasiga o'rnatilgan gaz uskunasi alohida ehtiyot qismlarining doimiy ta'sir qiluvchi ekspluatatsiya omillari (tabiiy eskirish, chirish, sirtining buzilishi, yorilish, zanglash va hokozolar) natijasida uchinchi shaxslar (jismoniy va yuridik shaxslar)ga zarar yetkazilishi;

j) sodir bo'lgan hodisa vakolatli tashkilotlar (IIB, YHXB, YoXNB) da belgilangan tartibda ro'yhatdan o'tkazilmagan bo'lsa;

z) sug'urta hodisasi sodir bo'lishining aniq sabablari aniqlanmagan bo'lsa;

i) Sug'urta qildiruvchi yoki uning ishonchli vakili tomonidan sug'urta tovonini olish maqsadida berilgan ma'lumotlar yolg'onligi aniqlanishi.

y) Sug'urta qildiruvchi tomonidan avtotransport vositasini boshqarish uchun berilgan ishonchnoma belgilangan muddatda IIB YHXB ning ruyxatga olish bo'limidan ruyxatdan o'tkazilmagan bo'lsa.

10.4. Sug'urta qildiruvchi (naf oluvchi) tomonidan shartnomada belgilangan miqdor va muddatda sug'urta mukofoti to'liq to'lanmagan bo'lsa.

11. Da'volarni ko'rib chiqish tartibi

11.1. Avtotransport vositasiga o'rnatilgan gaz uskunasi yo'qotilishi yoki zararlanishi yohud uchinchi shaxslarga yetkazilgan zarar holatida Sug'urta tovonini Sug'urtalovchi tomonidan Sug'urta qildiruvchiga uning yozma ravishdagi arizasi va mazkur Ofertaning **11.2-** bandida ko'rsatilgan hujjatlar hamda Sug'urtalovchi tomonidan tuzilgan sug'urta hodisasi to'g'risidagi dalolatnomaga asosan amalga oshiriladi.

11.2. Sug'urta qildiruvchi o'z arizasiga quyidagi hujjatlarni ilova qiladi:

11.2.1. avtotransport vositasiga o'rnatilgan gaz uskunasi yo'l transport hodisasi (YTH) natijasida zararlanganda:

a) sug'urta polisi,
b) IIB YXXB ma'lumotnomasi, xulosasi (zarur xolatlarda sudning qarori);
v) tegishli tartibdagi litsenziyaga ega bo'lgan baholash tashkilotining avtotransport vositasiga o'rnatilgan gaz uskunasi yetkazilgan xaqiqiy zarar, ehtiyot qismlari va materiallari ro'yhati hamda eskirish qiymati ko'rsatilgan kalkulyatsiyasi.

11.2.2. avtotransport vositasiga o'rnatilgan gaz uskunasi yong'in va portlash natijasida zararlanganda:

a) sug'urta polisi,
b) IIB YoXB ma'lumotnomasi, xulosasi (zarur xolatlarda sudning qarori);
v) tegishli tartibdagi litsenziyaga ega bo'lgan baholash tashkilotining avtotransport vositasiga o'rnatilgan gaz uskunasi yetkazilgan xaqiqiy zarar, ehtiyot qismlari va materiallari ro'yhati hamda eskirish qiymati ko'rsatilgan kalkulyatsiyasi.

11.3. Avtotransport vositalariga o'rnatilgan gaz uskunasi portlashi yoki yong'in chiqishi oqibatida uchinchi shaxslar (jismoniy va yuridik shaxslar)ga zarar yetkazilishi holatida Sug'urta to'lovchi Sug'urtalovchi tomonidan Sug'urta qildiruvchi va uchinchi shaxslarning yozma ravishdagi arizasi va mazkur Ofertaning 11.4. bandida ko'rsatilgan hujjatlar hamda Sug'urtalovchi tomonidan tuzilgan sug'urta hodisasi to'g'risidagi dalolatnomaga asosan amalga oshiriladi. Uchinchi shaxslarning mol-mulkiga zarar yetkazilganda Sug'urta to'lovchi Sug'urta pulining 35 foizi, xayoti yoki sog'ligiga zarar yetkazilganda Sug'urta to'lovchi Sug'urta pulining 65 foizi miqdorida amalga oshiriladi.

11.4. Sug'urta qildiruvchi o'z arizasiga quyidagi hujjatlarni ilova qiladi:

a) sug'urta polisi;
b) IIB YoXB ma'lumotnomasi, xulosasi (zarur holatlarda sudning qarori);
v) tegishli tartibdagi litsenziyaga ega bo'lgan baholash tashkilotining uchinchi shaxslarning mol-mulkiga yetkazilgan xaqiqiy zarar, ehtiyot qismlari va materiallari ro'yhati hamda eskirish qiymati ko'rsatilgan kalkulyatsiyasi;

g) uchinchi shaxslarning xayotiga yoki sog'ligiga yetkazilgan zarar mavjudligini va miqdorini tasdiklovchi hujjatlar (tibbiyot muassasasidan ma'lumotnoma yoki xayot va sog'likka yetkazilgan zararni tasdiklovchi boshqa hujjatlar, dalolatnoma yoki ulim tug'risidagi guvohnoma).

11.5. Uchinchi shaxslarning xayoti yoki sog'ligiga zarar yetkazilganda sug'urta to'lovchi Sug'urtalovchining baxtsiz xodisalardan ehtiyot shart sug'urta qilishning barcha turlaridan sug'urta hodisalari bo'yicha sug'urta to'lovchini aniqlash va to'lash tartibi to'g'risidagi uslubiy kursatmaga muvofiq aniqlanadi.

11.6. Bir nechta shaxslarning xayoti yoki sog'ligiga zarar yetkazilganda xar bir jabrlanuvchiga (uning merosxuriga) tegadigan sug'urta to'lovchi Sug'urtalovchining xayoti yoki sog'ligiga yetkazilgan zararining darajasiga mutanosib ravishda aniqlanadi.

11.7. Xayotga, sog'likka va (yoki) mol-mulkka zarar yetkazilganligini tasdiklovchi hujjat buyicha shubha paydo bulganda sug'urtalovchi hujjatda kursatilgan axborotning tasdigini olish uchun ushbu hujjatni bergan muassasaga murojaat qilish xukukiga ega.

11.8. Yuqoridagi hujjatlar taqdim etilgach, sodir bo'lgan sug'urta hodisasi xususiyatidan kelib chiqib, Sug'urtalovchi vakolatli tashkilotlardan hodisa to'liq tafsilotlari va ishtirokchilari to'g'risida, ushbu hodisaning vakolatli tashkilotda belgilangan tartibda ro'yxatdan o'tkazilganligi to'g'risida ma'lumotnoma, zarur bo'lganda, hodisa ishtirokchilari sud-tibbiyot ekspertizasi hulosasi, sud qarori va boshqa hujjatlar so'rovini amalga oshiradi. Shu bilan birga, Sug'urtalovchi Sug'urta hodisasi yuz berishi sabablari va holatlarini mustaqil o'rganishga, Sug'urta qildiruvchidan qo'shimcha hujjatlar (avtotransport vositasi texnik pasporti, haydovchi pasporti, haydovchilik guvohnomasi, boshqarish huquqini beruvchi ishonchnoma nusxalari, zararlangan avtotransport vositasiga o'rnatilgan gaz uskunasi fotosuratlar va boshqalar) so'rashga haqli.

11.9. Sug'urta hodisasi bo'yicha taqdim qilingan barcha zarur hujjatlar Sug'urtalovchi Sug'urta to'lovchi bo'yicha komissiyasi tomonidan o'rganib chiqilib, sug'urta hodisasi tan olinganligi yoki tan olinmaganligi to'g'risida komissiya qarori qabul qilinadi. Qabul qilingan qarorga asosan aniqlangan sug'urta to'lovchini to'lash uchun tomonlar, ya'ni Sug'urtalovchi va Sug'urta qildiruvchi o'rtasida dalolatnoma tuziladi. Sug'urta hodisasi tan olinmagan taqdirda Sug'urtalovchi 3 (uch) kun muddat ichida Sug'urta qildiruvchiga yozma ravishda xabar beradi.

11.10. Sug'urtalovchining Sug'urta to'lash to'g'risidagi qarori sodir bo'lgan Sug'urta hodisasi yuzasidan qo'zg'atilgan jinoyat ishi va boshlab yuborilgan sud jarayonlari tugatilgunigacha yohud Cug'urta qildiruvchining aybdorsizligi tan olingunigacha bo'lgan davrga kechiktirilishi mumkin.

12. Tomonlarning javobgarligi

12.1. Mazkur Oferta asosida tuzilgan Sug'urta shartnomasining shartlarini bajarmaganlik yoki kerakli darajada bajarmaganlik uchun tomonlar O'zbekiston Respublikasi Qonunchiligida belgilangan javobgarlikni teng darajada olib boradilar.

13. Nizolarni hal etish

13.1. Mazkur Ofertadan kelib chiqadigan barcha bahs va munozaralar tomonlarning o'zaro kelishuviga asosan hal qilinadi. Kelishish imkoni bo'lmagan xolda, O'zbekiston Respublikasining amaldagi Qonunchiligi asosida xo'jalik sudiga ko'rib chiqish uchun beriladi.